



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. I. An in Deo sit voluntas, eaque se habeat per modum potentiae?

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

DISPV TATIO PRIMA.
DE EXISTENTIA ET QVIDDITATE
voluntatis Dei.



Vm voluntas ad intellectum, tanquam ad rationem à priori, & causam virtualem, consequatur, post considerationem scientiae Dei, & aliorum attributorum ad intellectum pertinientium, convenienter agit S. Doctor de voluntate Dei, ejusque affectibus; & quia quæstio ars est, præsupponi debet ad questionem quid est, ut docet Aristoteles in libris Posteriorum, art. 1. hujus questionis 19. queritur in Deo sit voluntas? Illius vestigiis inharentes, priusquam divinæ voluntatis quidditatem, & objectum exponamus, ejus existentiam breviter demonstrandam censuimus.

ARTICVLVS PRIMVS.

An in Deo sit voluntas, eaque se habeat per modum potentie?

§. I.

Vraeque difficultas resolvitur.

T. **D**ico primò: Stando tam principiis fidei, quam luminis naturalis, negari non potest esse in Deo voluntatem.

Prima pars conclusionis colligitur ex variis Scripturæ locis, in quibus passim voluntas Deo attribuitur. Ad Romanos 12. *Ut probetis que sit voluntas Dei.* Matthæi 6. & 26. *Fiat voluntas tua.* Psalmi 103. *Omnia quecumque volunt fecit.* Machabæorum 3. *Sicut fuerit voluntas in celo, sic fiat.* Item Spiritum Sanctum credimus per voluntatem divinam procedere; & in pluribus Conciliis contra Monothelitas definitum fuit, in Christo duplicem esse voluntatem, humanam scilicet, & divinam.

2. Secunda pars multiplici ratione demonstrari potest. In primis enim ut discurrat S. Doctor i. contra Gentes cap. 72. omne intelligens bonum est volens, id est potens velle, cum bonum intellectum sit objectum voluntatis: Atqui Deus est intelligens non solum ens, sed etiam bonum, cum sit perfectissime intelligens, & consequenter illius cognitio non sicut in ente, sed etiam en tis bonitatem attingat: Ergo est volens.

3. Secundo, Deo, ut perfectissimo agenti, convenire debet perfectissima ratio causandi: Sed ratio causandi per voluntatem, est multò perfectior, quam ratio agendi per naturam; agens enim naturale non agit cum dominio suorum actuum, nec seipsum dirigit in finem, sed ab alio dirigitur, sicut sagitta à sagittario; è contra vero agens voluntarium & liberum, habet dominium suorum actuum, & seipsum dirigit in finem: Ergo Deo tribui debet ratio causandi per voluntatem.

4. Tertiò, Omnis perfectio qua in creaturis reperitur, est formaliter in Deo, si possit ab omni

A imperfectione præscindi: Sed voluntas convenit creaturis intellectualibus, & alias potest ab omni imperfectione præscindi, non minus quam intellectus, ut constabit ex solutione argumentorum: Ergo formaliter reperitur in Deo.

Denique, dari in Deo voluntatem probat S. Thomas hic art. 1. & 1. contra Gentes cap. 72. ex eo quod voluntas sequitur intellectum: Ergo si in Deo est formaliter intellectus, ita & in ipso formaliter debet esse voluntas. Consequens patet, Antecedens probatur. Ad omnem formam sequitur aliqua inclinatio ad bonum, convenientis ratione illius, ut constat in forma ignis, ad quam sequitur inclinatio ad locum sursum: Ergo ad formam intelligibilem sequitur inclinatio ad bonum rationi convenientis, quæ voluntas, seu appetitus rationalis, appellatur.

Confirmatur, & magis illustratur hæc ratio. Duplex datur appetitus in nobis: unus innatus, alter elicitus. Primus est inclinatio, & propensio in bonum, absque cognitione illius: qualis est appetitus materia ad formam, & lapidis ad centrum. Secundus vero est qui sequitur ad cognitionem; & quia est duplex cognitio, sensitiva scilicet & rationalis, duplex est etiam appetitus elicitus: aliis sensitivis, qui sequitur ad cognitionem sensitivam, qualiter bruta ex cognitione sensitiva obiecti propositi illud appetunt, & quarunt: alter rationalis, qui sequitur ad cognitionem intellectivam, qualiter reperitur in homine, qui cognito per intellectum obiecto bono, elicit amorem illius; & hic appetitus appellatur voluntas, ut constaret Philosopher i. Rethor. ubi definiens voluntatem, dicit eam esse appetitum boni, cum ratione, hoc est ratione apprehensum: Cùm ergo in Deo sit intellectus, & perfectissima boni cognitio, in illo pariter debet esse voluntas.

C Dices, Sufficit intellectus ut natura rationalis inclinetur in suam perfectionem: Ergo ad tales inclinationem non requiritur voluntas, seu appetitus ab intellectu dimanans, & ab eo distinctus. Consequens patet, Antecedens probatur. Quæcumque potentia animæ naturaliter inclinatur in suum objectum, ut docet S. Thomas infra quæst. 80. art. 1. ad 4. Ergo intellectus habet inclinationem ad omnia quæ intelligi possunt, sicut visus ad omnia quæ possunt videri.

Respondeo negando Antecedens, ad cuius proportionem, distinguo Antecedens. Sufficit intellectus ut natura rationalis inclinetur in suam perfectionem, incompletè & inadæquatè, concedo Antecedens: completere & adæquate, nego Antecedens, & Consequentiam. Nam cum natura rationalis non solum inclinetur in res alias, trahendo illas ad se per species proprias in esse intentionali; sed etiam inclinetur in illas, per modum ponderis & inclinationis in ipsas, secundum suum esse proprium & reale; licet ad prium sufficiat intellectus, non tamen ad secundum, sed requiritur voluntas, quæ inclinetur na-

teria tendendo secundo modo ad esse reale rerum ; unde si sic non inclinetur , non ponitur in illa inclinatio omnis sibi competens , secundum completam & adequatam rationem sibi connaturaliter possibilem.

Dico secundò : Voluntatem divinam , in ordine ad volitionem essentialiem , non habere rationem potentiae , ex parte rei conceptae , sed solum ex modo nostro significandi , & concipiendi res divinas per similitudinem , & analogiam ad res creatas.

Probatur conclusioratione fundamentali . De ratione potentiae est quod sit principium per se influens in operationem : Sed voluntas in Deo non potest esse , nec concipi cum fundamento in re , ut principium influens in volitionem divinam : Ergo non potest habere rationem potentiae per ordinem ad illam . Major est evidens , Minor probatur . Ad influxum potentiae in actum , requiritur distinctio formalis , aut saltem virtualis , inter utrumque : Sed voluntas divina , nec formaliter , nec virtualiter distinguitur à sua volitione : Ergo nec esse nec concipi potest cum fundamento in re , ut principium influens in illam . Major patet , Minor probatur . Cum voluntas in Deo sit actus purissimus , & omnis potentialitatis expers , debet concipi ut includens formaliter in suo conceptu ultimam suæ lineaæ actualitatem ; alioquin conciperetur ut in potentia ad illam , & sic non conciperetur ut actus purissimus , sed ut potentialitati admixtus : unde cum volitio sit ultima actualitas lineaæ volitivæ , divina voluntas deber concipi ut illam formaliter includens , & identificari cum illa , absque distinctione etiam virtuali .

Dices , Ad rationem actus purissimi sufficere quod sibi realiter identificet ultimam suæ lineaæ actualitatem , nec requiri quod eam formaliter in suo conceptu explicet : ut constat in essentia divina , quæ sine attributorum expressione intellecta , concipitur ut actus purus , eo quod illa implicitè saltem includat , & cum illis realiter identificetur .

Sed contra : Actus purissimus debet constitui & concipi modo imaginabili purissimo & perfectissimo : Sed perfectior ac purior concipitur divina perfectio , quando intelligitur ut exprimens ultimam suæ lineaæ actualitatem , quam dum intelligitur ut implicitè solum eam includens : Ergo ad rationem actus purissimi requiritur expressio ultime actualitatis propriæ lineaæ , licet non requiratur expressio aliorum pertinientium ad distinctam lineam . Unde patet disparitas ad exemplum adductum , cum enim attributa divina non pertineant ad lineam essentia seu natura , sed sint veluti quedam proprietates & affectiones ad illam consequentes , in essentia divina salvatur ratio actus purissimi , cum sola inclusione implicita attributorum ; secus autem in voluntate divina , cum volitio sit ultima actualitas lineaæ volitivæ .

Conclusio etiam patet ex dictis in Tractatu de natura Dei , ejusque attributis , ubi ostendimus , intellectum divinum non habere rationem potentiae respectu divinae intellectus : probations enim quæ ibi adducuntur , quæ probant de voluntate , & de volitione , ac de intellectu & intellectione , mutatis nominibus ; unde ne eadem reperantur , ad prædictum locum Lectorem remittimus .

II. Advertendum est autem , me dixisse voluntata-

A tem divinam non habere rationem potentiae per ordinem ad volitionem essentialiem ; quia voluntas divina dupliciter considerari potest , scilicet essentialiter , & ut præcisè dicit ordinem ad objectum , & sicut intra ipsum Deum : secundum prout dicit habitudinem productis ad productionem , vel productum , sive ad intra , nempe ad spirationem & Spiritum Sanctum ; sive ad extra , sicut ad creationem & creaturas . Primo modo non habet rationem potentiae , quia nec formaliter nec virtualiter distinguitur à volitione , bene tamen secundo modo , quia sub hac ratione connatur terminum ad intra vel ad extra productum , & realiter aut virtualiter ab illa distinctum , ut colligitur ex D . Thomae infra quæst . 25. art . 1. ad 3. ubi ait : *Potentia in rebus creatis non solum est principium actionis , sed effectus : sic igitur in Deo salvatur ratio potentiae , quantum ad hoc quod est principium effectus , non quantum ad hoc quod est principium actionis , nisi forte secundum medium intelligendi .*

§. II.

Solvuntur quædam objectiones .

O Bjicies primò contra primam conclusio- nem . In Deo non potest esse voluntatis ob- jectum : Ergo nec voluntas . Consequentia pater . Antecedens probatur . Objectum voluntatis est finis : Sed nulla perfectio in Deo existens potest habere finem , cum finis sit realis causa , & nihil formaliter in Deo existens possit dependere à causa : Ergo in Deo non potest esse voluntatis objectum .

Respondeo cum D . Thoma hic art . 1. ad 1. ne- gando Antecedens , ad cuius probationem , dis-tinguo Majorem . Objectum voluntatis est finis volitorum à voluntate , vel ipsius voluntatis , con- cedo Majeorem : voluntatis semper , nego Major- rem , & concessa Minor , nego Consequentiam . Nam licet voluntatis divina nequeat esse aliqua finis , volitorum tamen ab ipsa , finis est divina bonitas , quæ est objectum primarium voluntatis divina , & finis ultimus creaturarum , quas secundario voluntas divina attingit , & hoc sufficit ut in Deo sit voluntas ; sicut ad hoc ut scientia reperatur in Deo , sufficit esse per causam ex parte obiecti , etsi non ex parte scientie .

E Objicies secundò : Voluntas idem est quod appetitus : Sed in Deo non est appetitus : Ergo nec voluntas . Probatur Minor : Appetitus est boni non habiti , ac proinde supponit parentiam boni appetitus terminantis : Sed in Deo parentia boni non est , cum parentia bonitatis , sit parentia perfectionis , qua Deo convenire non potest , alias summè perfectus non esset : Ergo in Deo non est appetitus .

Respondeo cum eodem D . Thoma ibidem in responsum ad 2. non omnem actum voluntatis esse appetitus , solum enim voluntas rei non habita , propriè dicitur appetitus , ut docet Augustinus super Psalmum 118 . Cum ergo bonum di- vinum , perfectissimè habeatur à Deo , in eo propriè appetitus non est , bene tamen voluntas , eò perfectior , quod magis cum obiecto suo conjuncta .

Objicies tertio : Voluntas movetur à volito , ut constat ex Aristotele 3. de anima textu 54 . Sed Deus , cum sit primum movens , & actus pu- rius , à nullo movetur : Ergo in Deo non est vo- luntas .

Respondeo

DE EXIST. ET QVIDDITATE VOLVNTATIS DEI. 377

Respondeo ex eodem S. Doctore in responseione ad 3; distinguendo Majorem : Voluntas distinet à reali distinctione à volito, moverur ab eo, concedo Majorem : Voluntas realiter indistincta à volito, nego M. & concessa Minor, nego Consequentiam, quia voluntas Dei non distinguitur realiter à divina essentia, quæ est ejus objectum.

Dices, Voluntas divina distinguitur realiter, saltē à bonitate creata : Ergo ab illa poterit moveri.

Sed negatur Consequentia, quia voluntas non moverut nisi ab objecto formalis & primario : bonitas autem creata, ut ostendemus sequenti disputatione, non pertinet ad objectum formale & primarium, sed materiale tantum & secundarium voluntatis divinae.

15. Objicies quartu contra secundam conclusio-nem, Inter voluntatem & volitionem divinam reperitur virtualis distinctio : Ergo voluntas divina habet rationem potentiae, saltē virtualiter, & ex parte rei conceptæ, in ordine ad suam volitionem. Consequens patet ex supra dictis : Antecedens autem probatur tripliciter. Primo ex D. Thoma infra quest. 25. art. 1. ad 3. ubi sic ait: *Essentia divina potest intelligi, & sub ratione actionis, & sub ratione potentiae; sicut etiam intelligitur sub ratione suppositi habent naturam, & sub ratione nature.* Sed natura divina, sub conceptu suppositi, distinguitur virtualiter à seipso, ut natura, propter subsistentiam quam addit ad illam: Ergo ex mente D. Thomæ, velle per modum operationis, distinguitur virtualiter à voluntate, alias comparatio illa D. Thomæ non teneret.

Secundo probatur Antecedens : Nulla imper-fectio, vel potentialitas ponitur in Deo, ex eo quod radicale principium volitionis, virtualiter ab actuali volitione distinguitur, quia identificatur realiter cum illa : Ergo neque per hoc quod principium proximum, seu vis proxima volen-di, ab eadem volitione virtualiter distinguitur, dummodo cum illa realiter identificetur.

Tertiò, Tunc aliqua distinguntur virtualiter, & ratione ratiocinata, quando in una formalitate realiter identificantur, & nihilominus ita praestant propria plurim, ac si revera essent plura : Sed ita se habent volitus & voluntas in Deo : Ergo distinguntur virtualiter.

16. Respondeo negando Antecedens, ad cuius pri-mam probationem dicendum est, D. Thomam ibi comparare essentiam divinam ut habet rationem potentiae, cum seipso ut habet rationem suppositi, vel personæ, solum quantum ad genus distinctionis ; in eo scilicet quod non distinguntur realiter, sed ratione tantum, non tamen quantum ad modum illius : subsistentia enim, cum sit extra lineam naturæ, ab ipsa distinguitur virtua-liter, id est distinctione rationis, cum fundamen-to se tenente ex parte Dei : velle autem concep-tum sub ratione operationis, cum sit ultima ac-tualitas lineæ volitivæ, non distinguitur virtualiter à voluntate divina, sed sola distinctione rationis, fundata in modo nostro concipiendi & significandi res divinas, per similitudinem & ana-logiam ad creatas, ut colligitur ex D. Thoma ibi-dem dicente : *In Deo non salvatur ratio potentiae per ordinem ad actionem, nisi secundum modum intelligendi.*

17. Ad secundam probationem, concessio Ante-ce-dente, nego Consequentiam, & paritatem : prin-cipium enim radicale volitionis non pertinet ad

A linea volitivam, sicut vis proxima volendi, sed potius ad lineam intellectivam, cùm esse voliti-vum radicaliter, nihil aliud sit, quād esse forma-liter intellectivum & intelligentem. Unde licet ratio actus puri in Deo, non excludat distinc-tionem virtualem inter principium radicale volitio-nis, & ipsam volitionem, bene tamen inter prin-cipium proximum volendi, & ipsam volitionem.

Ad tertiam probationem, nego Antecedens :

Non enim est universaliter verum, ea distingui virtualiter in Deo, quæ in una formalitate iden-tificata, ita praestant propria plurim, ac si essent plura. Nam omnes intellectus creati comprehenduntur in una intellectus divini simplici for-malitate, attingente eminentiō modo, & seclusis imperfectionibus, quecumque ab illis at-tinguntur; & tamen non distinguntur in eo virtualiter, & ratione ratiocinata. Tunc ergo quæ in una formalitate identificata æquivalent pluri-bus realiter distinctis, distinguntur virtualiter in Deo, quando pertinent ad diversas lineas, & in sua præcisione formalis nullam dicunt imperfec-tionem. Unde quia volitus & voluntas ad eandem lineam pertinent, & voluntas in sua præcisiōne dicit imperfectionem & potentialitatem, non possunt in Deo distingui virtualiter.

Instabis : Quæ ita se habent in Deo, ut si per impossibile distinguerentur, unum ori-ter ab alio, distinguntur virtualiter : ob hanc enim rationem aternitas distinguitur virtualiter ab immutabilitate; quia si realiter ab ea distin-gueretur, verè oriretur ab ipsa : Sed divina voluntas & volitus ita se habent, ut si per impossibili-te distinguerentur realiter, volitus actiū procederet à voluntate : Ergo voluntas & volitus di-stinguntur virtualiter in Deo.

Respondeo codem modo quo supra, Major-rem esse veram, si illa pertineant ad diversas li-neas, & in sua formalis præcisione non impor-tant aliquam imperfectionem; secūdū si spectent ad eandem lineam, & in sua formalis præcisione dicant aliquam imperfectionem : tunc enim ex parte rei conceptæ, unum non potest esse vir-tualiter ratio alterius, nec ab illo virtualiter di-stingui.

Sed urgebis adhuc : Hoc ipso quod divina voluntas æquivaleret volitionis principio & volitio-ni, debet necessariō esse virtualiter multiplex, & præber intellectu fundamental ad formandam distinctionem rationis : Ergo non potest evitari, quin voluntas divina, secundum rationem, cum fundamento in re, habeat rationem potentiae. Consequens patet, Antecedens probatur. Hoc ipso quod voluntas divina æquivaleret voluntati & volitioni præcisæ sumptis, est eminentior illis : Sed talis eminentia est ratio sufficiens ad funda-dam distinctionem rationis inter volitionem & voluntatem divinam : Ergo &c.

Respondeo negando Antecedens, ad cuius pro-bationem dicendum est, non sufficere quamcum-que eminentiam ad fundandam distinctionem vir-tualem; ut patet in eminentia intellectus divini supra omnes intellectus creatos; sed requiri talem eminentiam, ratione cuius res aliqua sit eminentior pluribus pertinentibus ad diversas li-neas. Nam si sit eminentia alicujus rationis supra plura ad eandem lineam spectantia, non fundat distinctionem rationis, sed potius invitat intel-lectum, quantum est de se, ut ab ipso concipiatur per modum unius simplicissimæ formalitatis: in quo differt ab alia simplici formalitate emi-

B B b

Tom. I.

18.

19.

20.

21.

nentiori pluribus ad diversas lineas spectantibus, quæ ratione sua eminentia invitat intellectum, ut pluribus conceptibus sibi inadæquatis ab eo concipiatur.

ARTICVLVS SECUNDVS.

An voluntas sive volitio divina, sit de constitutione metaphysica divinæ nature?

§. I.

Quibusdam premissis difficultas resolvitur.

22. **N**otandum primò, Dupliciter nos posse loqui de constitutione divinæ naturæ: physicè scilicet, & metaphysicè. Primo modo certum est voluntatem Dei ad divinæ naturæ constitutio-nem pertinere, nam physica Deitatis constitutio, coalescit ex omnibus prædicatis divinis, tam absolutis, quam relativis, cùm omnia prædicta Dei sint realiter cum ipso identificata. Procedit ergo disputatio solum in posteriori sensu, & de constitutione metaphysica, quo genere con-stitutionis dicitur constitutivum aliquid rei, quod primò objicitur intellectui cum fundamen-to in re, & se habet veluti radix & origo aliarum perfectionum quæ ipsi competunt. Quo paœto rationalitas dicitur metaphysicè constitutire naturam humanam, quia primò in homine intelligitur, & se habet ut radix risibilitatis, & aliarum proprietatum quæ illi convenient.

23. Notandum secundò: Idem esse, quantum ad propositum, inquirere an voluntas aut volitio divina sit de constitutione metaphysica divinæ naturæ; quia cùm hæc duo ad eandem lineam pertineant, & inter se identificantur, sine distinc-tione etiam virtuali, ut ostendimus articulo præcedenti, si unum à metaphysica divinæ naturæ constitutione excludatur, aliud ad eam pertinere non poterit. His præmissis.

Dico: Voluntatem aut volitionem divinam non esse de formalissimo conceptu, seu de constitutione metaphysica divinæ naturæ. Ita docent Salmantenses, Tractatus 4. disp. 2. dub. 3. Joannes a S. Thoma, & alij Discipuli D. Thomæ, hic & suprà quest. 14. art. 1. contra Suarezum disp. 30. Metaph. fæt. 6. num. 13. Zuningam de Trinit. disp. 2. dub. 2. membro 8. & dub. 4. membro 2. Arrubal disp. 40. cap. 1. & 3. ubi distinguit voluntatem divinam in actum primum & secundum, & ut habet rationem facultatis volitivæ, & actualis volitionis, & assertit volitionem non esse de conceptu divinæ naturæ, bene tamen voluntatem.

Probatur primò conclusio ratione fundamen-tali. Quod præsupponit naturam divinam jam constitutam, non potest ad ejus formale consti-tutivum pertinere: Sed divina voluntas, aut volitio, supponit naturam divinam constitutam in ratione naturæ, per ipsum intelligere purissimum & actualissimum, ut in Tractatu de attributis fusè ostendimus: Ergo ad ejus constitutionem non pertinet.

24. Dices, Volitionem divinam præsupponere na-turam divinam constitutam solum inadæquatè per ipsum intelligere, vel ut alij volunt per im-materialitatem, & radicem intellectiōnis; atque ita posse ad ejus constitutionem metaphysicam, saltem inadæquatè, pertinere.

Sed contra primò: Vis appetitiva, & ipsa ap-petitio, ex se supponunt naturam appetentis

A constitutam adæquatè, ob quam rationem D. Thomas infrà quest. 78. art. 1. docet appetitivum non constituere aliquem gradum viventium: Ergo volitio & voluntas in Deo supponunt virtua-liter, & cum fundamento in re, naturam adæquatè constitutam. Consequentia patet, Antecedens probatur. Vis appetitiva, ex proprio genere, est inclinatio in illud quod est conveniens naturæ appetentis: Ergo debet necessariò præsupponere na-turam appetentis adæquatè constitutam, ut sit re-gula & mensura boni appetendi.

Secundò, Deus antecedenter ad suam volitio-nem habet operationem perfectissimam omnium sibi possibilium: Ergo est adæquatè in sua essen-tia constitutus antecedenter ad illam. Consequen-tia patet, quia nihil potest habere perfectissimam operationem omnium sibi possibilium, nisi ha-beat naturam integrā & adæquatè constitutam. Antecedens vero probatur. Deus antecedenter ad volitionem habet intelligere in actu secundo, quod est perfectissimus actus, & perfectissima operatio ipsi possibilis, cùm sit radix virtualis omnium aliarum: Ergo habet operationem per-fectissimam.

Tertiò, Natura divina adæquatè communicatur Filio, formaliter & ex vi processionis, non com-municatà formaliter volitione, ut docent Theolo-gi in Tractatu de Trinitate: Ergo adæquatè con-stituitur in ratione naturæ, non ingrediente voli-tione constitutionem illius. Consequentia patet, Tum quia non potest communicari adæquatè na-tura, non communicato adæquo illius constitutivo. Tum etiam, quia inde potissimum probant Theologi, paternitatem v.g. non esse de consti-tutione metaphysica divinæ naturæ, sub conceptu expresso naturæ, quia per generationem com-municatur Filio natura, non communicatà paternitate. Ergo si divina natura communicatur Filio adæquatè, ex vi processionis, non communicatà for-maliter volitione, ista non pertinet, etiam inadæ-quatè, ad metaphysicā divinæ naturæ cōstitutionē.

Probatur secundò conclusio, & simul magis im-pugnatur responsio data. Ut volitio inadæquatè pertineret ad metaphysicam divinæ naturæ con-stitutionem, deberet identificari cum intellectiōne divina, sine distinctione virtuali: Sed hoc non potest dici: Ergo nec illud. Major constat, Si enim sola realis identitas sufficeret, ut aliqua ratio vel perfeccio in Deo, ad constitutionem metaphysi-cam divinæ naturæ inadæquatè pertineret, seque-retur quod non solum volitio divina, sed etiam omnia attributa, imo & relationes divinæ, meta-physicam divinæ naturæ constitutionem ingre-dentur: cùm hæc omnia realiter cum natura di-vina identificantur: Sed hoc dici nequit, alioquin in Filio v.g. non salvaretur adæquatè natura di-vina, cùm in illo non sit paternitas, vel spiratio-passiva: Ergo &c.

Minor autem, in qua est difficultas, multiplici-ter suadetur. Primo quia illa virtualiter distin-guntur in Deo, quæ pertinent ad diversas lineas, & di-versa objecta formalia respiciunt, ut in Tractatu de attributis, agendo de metaphysica divinæ naturæ constitutione, fusè declaravimus: Sed intellectiō & volitio pertinent ad diversas lineas, & diversa objecta formalia respiciunt; intellectiō enim attingit ens sub ratione veri, volitio vero fertur in illud sub ratione boni: Ergo in Deo virtualiter distinguntur.

Secundo, Cognitio divina assimilativa est, se-cūs autem volitio, quocirca terminus per intelle-

Disp. 2.
art. 1.

25.

27.

28.

29.

30.

Disp. 2.
art. 1.